

**Staðfesting forsetans** á skipulagsskrá fyrir Endurhæfingarstöð hjarta- og lungnasjúklinga í Reykjavík, útgefin á venjulegan hátt að mandatum af dómsmálaráðherra 28. nóvember 1988.

Skipulagsskráin er þannig:

## SKIPULAGSSKRÁ

fyrir Endurhæfingarstöð hjarta- og lungnasjúklinga í Reykjavík.

### 1. gr.

Stofnunin er sjálfseignarstofnun og heitir:

Endurhæfingarstöð hjarta- og lungnasjúklinga.

Stofnendur eru Landssamtök hjartasjúklinga, Hjartavernd og Samband íslenskra berkla- og brjóstholssjúklinga, (SÍBS).

### 2. gr.

Stofnfé er eftirtalin framlög stofnenda:

Landssamtök hjartasjúklinga . . . . .	kr. 500 000,00
Hjartavernd . . . . .	kr. 500 000,00
Samband íslenskra berkla- og brjóstholssjúklinga . . . . .	kr. 500 000,00

Stofnendur bera engar fjárhagslegar skuldbindingar vegna stofnunarinnar aðrar en stofnfé skv. framangreindu.

### 3. gr.

Heimili og varnarþing er í Reykjavík.

### 4. gr.

Markmið og hlutverk stofnunarinnar er að veita hjarta- og lungnasjúklingum eftirfarandi þjónustu:

- endurhæfingu í beinu framhaldi af dvöl á sjúkrahúsi og/eða Vinnuheimilinu að Reykjalundi skv. tilvísun lækna,
- almenna framhaldsendurhæfingu, þar sem fyrrverandi sjúklingum gefst kostur á viðhaldsþjálfun skv. æfingakerfum í samræmi við getu þeirra,
- ráðgjafar- og upplýsingaþjónustu um hjarta- og lungnasjúkdóma, svo og lífnaðarhætti, mataræði, réttindi sjúklinga o.fl.

### 5. gr.

Tekjustofnar stofnunarinnar eru:

- þóknun fyrir þjónustu þá, sem nefnd er í 4. gr.,
- gjafir og styrktarfé frá stofnendum,
- önnur framlög, sem veitt er viðtöku eða aflað.

### 6. gr.

Fulltrúaráð stofnunarinnar skipa 17 menn, og eru þeir þannig valdir:

Stofnaðilar tilnefna hver um sig þrjá menn og einn til vara til tveggja ára í senn.

Stjórnnum Landspítala, Borgarspítala, Reykjalundar og Landakotsspítala skal boðið að tilnefna hverjum fyrir sig tvo fulltrúa og einn til vara til setu í ráðinu til tveggja ára. Sinni einhver aðili ekki tilnefningu tilskilins fjölda í ráðið, skulu fulltrúar stofnaðila tilnefna í þeirra stað, svo að ráðið verði fullskipað.

Val fulltrúa í ráðið skal fara fram eigi síðar en í marsmánuði annað hvert ár.

## 7. gr.

Fulltrúaráðið kýs sér formann til tveggja ára í senn. Hann boðar fundi í því og stýrir þeim. Boða skal til funda á sannanlegan hátt með viku fyrirvara. Varamenn skal boða til funda, ef um kunn forföll aðalmanna er að ræða.

Fundir eru lögmatir ef minnst helmingur fulltrúa mætir.

Afl atkvæða ræður úrslitum við afgreiðslu mála á fundum ráðsins.

Framkvæmdastjórnarmenn eiga sæti á fundum fulltrúaráðs með málfrelsi og tillögurétt.

Fulltrúaráðið skal hafa eftirlit með því að framkvæmdastjórn stofnunarinnar starfi að lögum og í samræmi við skipulagsskrá þessa. Það getur sett almennar reglur um starfstílhögun og rekstur stofnunarinnar innan ramma skipulagsskrár þessarar.

Veita skal ráðinu aðgang að skjölum og gögnum varðandi rekstur stofnunarinnar.

## 8. gr.

Aðalfund fulltrúaráðs skal halda fyrir 31. maí ár hvert. Á aðalfundi skal taka fyrir eftirfarandi mál:

- a) skýrslu framkvæmdastjórnar um starfsemina,
- b) endurskoðaða reikninga stofnunarinnar, sem stjórnin leggur fram,
- c) kosningu framkvæmdastjórnar og varamanna til þriggja ára í senn, sbr. 9. gr.,
- d) kosningu endurskoðenda fulltrúaráðs til tveggja ára í senn, ef ráðið óskar þess.

Aukafund skal halda þegar framkvæmdastjórnin óskar þess eða fimm fulltrúar hið fæsta.

## 9. gr.

Fulltrúaráð kýs hlutbundinni kosningu framkvæmdastjórn stofnunarinnar, sem skal skipuð þremur mönnum og þremur til vara. Má enginn þeirra jafnframt vera í fulltrúaráðinu.

Fulltrúaráðið kýs formann stjórnarinnar sérstaklega. Stjórnin skiptir að öðru leyti með sér störfum. Varamenn skal jafnan boða á fundi stjórnar og taka þeir sæti í forföllum aðalmanna.

Stjórnin er ályktunarfær, ef meirihluti hennar mætir. Gerðabók skal haldin á stjórnarfundum.

Fulltrúaráðið ákveður þóknun til stjórnarmanna.

## 10. gr.

Framkvæmdastjórn ber að starfa samkvæmt skipulagsskrá þessari og lögum nr. 19 frá 1988. Verkefni hennar er:

- a) að stjórna stofnuninni í samræmi við almennar reglur fulltrúaráðsins, sbr. 7. gr.,
- b) að ráða starfsfólk og segja því upp, ákvarða laun þess og önnur starfskjör,
- c) að veita prókúru,
- d) að sjá um fjármál og annast framkvæmdir,
- e) að sjá um reikningshald og reikningsskil og ráða löggiltan endurskoðanda reikninga stofnunarinnar,
- f) að fara með öll önnur störf, sem eðlilegt eða nauðsynlegt er að taka ákvarðanir um eða framkvæma á vegum stofnunarinnar.

## 11. gr.

Breyta má skipulagsskrá þessari, ef meirihluti fulltrúaráðs samþykkir það á aðalfundi. Leita skal samþykkis dómsmálaráðherra á breytingunni.

Heimilt er að leggja stofnunina niður, ef meirihluti fulltrúaráðs tekur ákvörðun um það á fundi, sem boðaður hefur verið um það mál. Leita skal samþykkis dómsmálaráðherra fyrir því.

Eignum stofnunarinnar skal þá varið til starfsemi í þágu hjarta- og lungnasjúklinga eftir ákvörðun meirihluta fulltrúaráðsins.

12. gr.

Leita skal staðfestingar dómsmálaráðherra á skipulagsskrá þessari.

Reykjavík, 15. nóvember 1988.

F.h. Hjartaverndar

Karl Friðrik Kristjánsson

Stefán Júlíusson

F.h. Landssamtaka hjartasjúklinga

Ingólfur Viktorsson

Haraldur Steinþórsson

F.h. Sambands íslenskra berkla- og brjóstholssjúklinga

Hjörtur Ólafur Hallgrímsson

Davíð Gíslason

**Staðfesting forsetans** á skipulagsskrá fyrir Styrktarsjóð Þórarins Sigurðssonar, útgefin á venjulegan hátt að mandatum af dómsmálaráðherra, 8. desember 1988.

Skipulagsskráin er þannig:

## SKIPULAGSSKRÁ

### fyrir Styrktarsjóð Þórarins Sigurðssonar.

Steinunn Sigurðardóttir, Kleppsvegi 118, Reykjavík, stofnar þennan sjóð til minningar um bróður sinn, Þórarinn Sigurðsson, sem var fyrsti vistmaðurinn sem kom inn á Kópavogshæli, 13. desember 1952, og lést þar 10. apríl 1988.

1. gr.

Sjóðurinn heitir Styrktarsjóður Þórarins Sigurðssonar.

2. gr.

Stofnfé sjóðsins er kr. 100 000,00 er haldast skal óskert.

3. gr.

Sjóðurinn skal ávaxta ef unnt er í verðtrygðum spariskírteinum ríkissjóðs eða á annan jafntryggan hátt.

3. gr.

Tekjur sjóðsins eru vaxtatekjur af stofnfé og öðru fé, sem sjóðnum kann að áskotnast. Gjafafé skal leggja við stofnfé.

20% af árlegum nettótekjum sjóðsins (þ.e. brúttótekjur að frádrögnum stjórnunarkostnaði) skal lagt við höfuðstól.